



KOTAVUSA VIRDA

KOTAVAFI VIRDA VESTASA VA TAMAVA IS ARAYEEM MU AYIKEEM

Kotava, tela tamefa golerava
Va ina kosmac !!

Lerdeaksat ke 2025
35^e otuk



JACQUES TERPANT

DRASUYUN REDAKIK

TANEAF LUZ

Drasuyun redakik 1. Taneaf luz

Franca vafa xantofa wimbura.

Capitaine perdu (2016)

Sutesik : Jacques Terpant

Zovdasik : Jacques Terpant

Ksevasik : Jacques Terpant

Piskusik : Éditions Glénat

Kalkotavaks :

Drasuyun redakik, Taneaf redakik

Kalkotavara : **Daniel Frot** (2025)

*Sanegara bad 2 otuk ke virda. Taneaf luz koe
bat otuk, azu toleaf koe diref 36^e otuk.*


Glénat



DRASUYUN REDAKIK



VIELE SAINT-ANGE BAK 1764 GU
CHARTRES FOLK ZO KOFLIYIR, PUNE
MALI LEWE TANOYA DECEMDA, YON
FRANCAF BATAKIK VA BATA COYUNTA
ARTLAPIYID NUME ZO SKEBUYUD.



KE BAT MILK DEM AALIKSESİK
LAN JACQUES MARQUETTE
IESU ALKAVEEMİK VA GOVITİK
AL KEVLANIYIR.

VA LORİK PU SIN PULVIYIR,
VOXIS VA LANA WARZAFÄ
TAMAVA : « LANITIV AZEN
CINAFE YIKYE VA WINAFA
NAZBEIKYA KURETED ».



MARQUETTE ARTI TOLDA AWALKEYER,
PAYUNON GAN GRELTEEM, ISEN NAZBEIKEEM
KE INYON DOSITIK VA KATICEFA PATECTA
MALE DOMEGA KE UZDAPATUM KALE TELA
KE MISSISSIPPI BOST RE FROFAYAD.



VOXAZEN UGAL
AL BETAWEYER.



BANLIZE KOE EUROPA, GUAZAFO GAZAXO
REMI PERDA VA SINT AL GEJAYAD,
ISEN GAZIK KE FRANCA AL TAZDAYAR.
VA FOLKEEM PU ENGLIK GOBILDEYER
ISE VA AMERIKA GOJOVLEYER.





NUMEN RE, MOO KOTA
KUKSA, TAMAVA KLOKA-
YANA GAN MARQUETTE
GERTIK TUVLARDAWEYER.



VIRUTSA DON LANYONA DEM ANTON
VUGTAN NEK GIYISA VA DATAFA TAMA-
VA, TON WITKOTUMAM VA JONTIKA VOA
KATITLAPIYID : I VA « LISTAFA KUKSA »
OHIO ISU WABASH ISU MISSOURI IKZ-...

...VAN CHARTRES FOLK
KENE MISSISSIPPI BOST AZ
OMAFALOUISIANA GOLA.



ABICE AYIKYE DILE MEN DIGISE VA ANTAFAL
BARNOLA KE TANTAZUKOT KE NUVALAFAL
RUMALAL KE BITATOTEEM. LANTAN KOE TULON
TOULOUSE FOLK, VA PLAY VEY IXAM INTAFAL
GADIKYE KERELEYED.

KOE PATECTA KOTVIELU
TISA TELA KE INTAFAL
GADIKYA...



VAN TOKA DIREKEUCA
GONOMALLAPIYID ?




VOXEN EDE GAZIK KE FRANCA, BANLIZE KOE
EUROPA, VA INTAFAL GINDAXO AL TAZDA-
YAR, PUNE BATLIZE INAF KERAL NAZBEIK-
EEM ME AL ZO CENEYER.



TANEON PREJARA
KOOSTISA VA
BROCEEM DUYUR
AZEN OKILIK BAL
KOKA VA KUFTA
MADAYAD.



MINAFE
VEYGADIKYE, I
GUAZAFO ONONTIO
KE FRANCA...


















VOXISE GRUPER
DA SAYAKIK SOME-
DIMVEGER KIREN
BATCOBA TIR ANA
KINOKUCA !



BATVIELI,
MEK VOLNIK ZO ROWIR.
VA KERA PU JINAF NIK ERÚ.
VA STAKSAKIRIK KÉ, VA LIZA
FURE GRUPETET. KATITEFA
LOUISIANA KOE FRANCAF
NUBEEM WAN TIR...



...GRELERA TIR, SAYAKIK
DIVBULUYUS VA FOLK KE KATICEFA PATECTA
KOEON TIGID ; CHARLOT KASKE GEJOKILIK KE
SHAWNEE COS AL LANIR. DIMLANISON GIRE TIGITIR.
KET ENIDE VA KALIRA KE KOTTAN DI GRUPET !!



SAINT-ANGE
VA MALYafa EWA
SU KALIR, DIMLAPIRA
KE STAKSAKIRIK LOON
KALITIR, VA YON
DERE KEV...
VIKIZASIT !!



VA LEKEFA TCABA-
NERA PULVIYIV...





...IS VA LANA GEJA KEV
CHICKASAW COS LIZE
JONTIKE AYIKYE YERU-
MAYAD, AZEN SAINT-
ANGE VRAGUYUR.




BATSIELON,
DUM ONONTIO,
PESTEYER CUES.





TCE PU RIN
ME GOVOPWADÉ,
RINAFa KOSAYIKYA
IXAM AL VAJULER.














SIN MALE VARAFA PATECTA ARTLANIYID :
CHICKASAW COS ISU BILOXI ISU OSAGE KE
BANA DOMEGA KE BOSTAP. MO BATO
ILLINOIS COSXO, VA PONTIAC OKILIK IS
GRELTUM VANDOSITAS TA GEJARA KAZO-
KEVEYED, I VA HURON IS POTAWATOMI...





... IS MIAMI IS KIKAPU IS
MASCOUTEN IS NAKAWEK...

AR COSIK KENO LISTAFA
OHIO KUKSA ARTLAPIYID :
DELAWARE IS SHAWNEE
IS MINGO...



SIN LENTE SAINT-ANGE
TU BOCAF KAATOESIK
VA ONONTIO-GOA KOTOTE
PULVIYID, I VA GAZIK KE
FRANCA TU INTAFE GADIKYE.





BERIKYE,
WIRA VA RIN KOE
BAT FOLK VA JIN
PUVEGAPAR.
DO POKOLERAPA
ARTLANI.



AUZARA
VA CENESIK VA LIOTE
MELD TIR PORACAPA
MU JIN.



TO VARTAF
PONTIAC KLE TIR. IN
VA ONTINAL TONYOK DIR
ISE TON TANTAZUKOT
KE FAYIK !



ABOZ FIRVIYIN GAN
MONTCALM, NUVE...
KANADA PU TO PONTIAC
CO ZO GONODIAYAR.




KOTOTE
KOLANIC !!
GOPULVIT. VOXE
TANEON VA INT
FU VOLTAT,
UGALIT.



IKORAF YOY KOE FRANCA KALID DA MONTCALM
VA KON MELD KOE EUROPA MEVIELE AL WAYAR
ABDIDA VA KANADA TAZDAYAR.

BATCOBA
VODE CO ZO
GONUNDEYER
ABDIDA IN ZO
STAKSEYER !



MALI TITAWALTARA, TRUGA IS DANK KE
KOTEC COS SINTON RADIMIFIYID. XONUKA
VA GEJIK GRALOMEYEN GAN PIQUEDOT
BENE NAKES GEROT FURE NARITIR.




DIOGENES

KRENTARA : Yves DUVAL ~ ZOVDARA : Fred FUNCKEN





KRAFOLMA KE ELLASA



VENKAF DIOGENES IL BAT CRAKEF GEJIK VOL DJUYATER.



JOTAF CENESIK VA SPOSAF GUAZAF TRAKOPIK DJUGRUPEYER.



KIAVÁ ! TÍ ALEKSANDROS GAZAPIK !

LUXE JIN, TÍ DIOGENES VAKOLAJ !



KAS CO TIL ANTAF KORIK ME KIVAS VA JIN ?

TCAX ! KAS TIL KIEWAF OK IKORAF ?



TÍ KIEWAF...

BATTODE, TOKDUME VA KIEWE CO KIVÁ ?



VA RINAF SWAVAY ISU TAKRELUCA KAROLÁ. VA KOTCOBA GRACIL... ERUL !! VA COBA ROGALPENA PU RIN VANZILITÍ...

NEMON, DI MANGIMIL KIRE WEYONAL DA VA AWALT POJÁ.



JASTRIK ! TOKINDE MOEBLEL ?

MANA LUGODAF DIV-SOKERA VA COBEEM KE TAMAVA !



KALIL !!... TOKTAN EN TIR LOKULAF : KONTEL EN KELDASKIN GU LIOZA OK OLIZ, OK ARTEL MEN KELDASKIN GAN GINDAXOPO ?



TO AN ZULTIK TIR ! NUMEN EDE ME CO TÍ ALEKSANDROS, PUNE DJUTÍ DIOGENES !



ABIGON KANYUVON, JOTAF OLGALICUSIK VA ASIA IS WAWAF LERDDAF TRAKOPIK BA MIL VIEL AWALKEYED.




WIDRISTUSIK VA BRIVA MOE NABOXA KE DIOGENES VANMADAYAD. MOE BRIVA VAKOLAF KUDJA TIGIYIR, I LECA OKLON DOLUNEMBEYENA.



DIOGENES OXIK VA VENKEVAF SERNÁ KO-SWAYAR, I VA SERNÁ DEM SENECA IS EPIK-TETOS IS MARCUS AURELIUS TIYISA TANA LOTARGAFA TRAKOPINDA KE SAVSUGAL.





DARWIN

ALUBEAKSAT
KE 1835,
VALPARAÍSO.

Darwin

Françavafa xantofa wimbra.

Darwin (2020, 2 dov)

Sutesik is nios : **Christian Clot**

Zovdasik : **Fabio Bono**

Ksevasik : **Dimitri Fogolin**

Piskusik : **Glénat / Fayard**

Kalkotavaks : **ROBERT...
VOXEN TOK...
TOKLIZE TIGÍ ?**

Darwin

Kalkotavara : **Pierre Van
Moorgen** (2025)

Sanegara bad 6 otuk ke virda.

Toza koe 31^e otuk, toleaf dov
mali 34^e otuk

BATLIZE TIGÍ,
CHARLES.
VA RIN GÍ.

VOXEN
TOKCOBA
DILIZER ?

RICHARD CORFIELD,
NIKYE... KO VAL-
PARAÍSO AL DIMLAPÍ.
VOXEN BATTODE...

VOZA MALI TO LOON
TANOY AKSAT VA RIN
VUMBER. TÍ VALEAF
WISON DA AL DIVMODEL.
VA YELADA ANEYÁ.

WAN SENYEL,
CHARLES. BATLIZE
MUSEDON TIGIL.

... AZEN SYMS VA RIN
ILBLIS LODAM BLIS
LAJUDIMSTAYAR !
VA ANE ROTE KIVAYAV.

SETRERA !
BATA VOZA JUPAYAR
DA VA RUFTACEK
KE VALDIVIA TITI
ILANACEK GIDUN
UGALAYAL.

BEXE LOROTE
KADIMI RIN
RE NUTIR.

VOXEN VA UGAL
TA GRIAKOLERACKA
WAN OLEGATAL.

EFE. CHARLES,
VA ADRAF UGAL
NARITIL. KAIKI
RINAF VAARAF
GRIAKOLERA
OXAM MALLAPITIT.

GREWÁ. KORE
DIMLAPIRA GEO
HORN EVILMA
VA JIN ME PUVER.

KLE PUVEGUSON
GITUTUL DA REDAKIK
AL BOYARUR ! VA
GRIFLIRA EBGAYAR
AZE VA DIRGARA
GIN NARIYIR !

VOXEN KLE
RUFTACEK...

GUE, VA BATA
ANAMOLAPIRA FU
TENUKET, CHARLES !
NUMEN VA VARTAF
GALAPAGOS TURSIA
WITIL, ABDIPLEKŪ.

ROBERT, RIBIEGAFA !
VA LOKIEWAFA LAZAVA
TA GRIAKOLERA
ME ROKLOKAYÁ.

OSTIK, EDE NOVEL... JONTIKCOBA
TA WARZAF DORJERA VA TOTA
WAN ZO GONASKIR. WICKHAM,
DJUZAVZAGIL ISE VA MINAFE
NIKYE RUBAL ?

EFE GUE,
REDAKIK.

MANA TIRKARURA !
VA ROBERT DUM TITI
KOYARA KATRASI.

WIRA VA BATCOBA PUVEGAR,
MEX ? KOTOTE ZO FELBET.
INAFI MISA IXAM
NUTIR ILACKAFA.

TOKCOBA
DILIZEYER ?

IN VA REDAKAKA MEPTA
TERE KAZAWAYAR AZEN VA
KEVUDANA ADVENTURE TOTA
DOLEYER. VOXEN MOEKOTE
FOLÍ DA TO RIN
VA IN AL GIWAL.

VA TOKCOBA
DJUSUGDALAL ?

VIELE GRUPEYER
DA MANEKE AKOLEYEL,
PUNE « DIVMODEYER »
DUMEDE RINAFI GIWARA
VA WARZAFI LAZAVA
TA BLIRA FIRVIYIR.

FOLÍ DA VA JIN
EN GIWAYAR...
VA JINAFI NUBA
EBIDUYUR VIELE
DYE KO GROYA
LUBEYÉ.

KOE RINAFI KLOKARA,
ROTIR... KIREN VIELE
BAL RUFTACEK KOE
VALDIVIA TIGIYIT,
SUME VIRNUCA KE
CONCEPCIÓN LIZE
WIDAVA ZO KALVILAYAR.

GRUPÉ. VOXE VA BATYONA
VULA ME LAJUVULKU,
VIELE TAWAVA SKOTCEYER.

JIN DERE. ME TRAKUYU
DA MANCOBA ROVOSOKIYIR.

TAWAVA SOTIR, NEKE DUM ZOM
EZAS MOE TEC RUSTONOT
SKOTCEYER. ROTI KE TUWAVA
VA WARZAFI SUGDALA
LAIZON NEDICKIR.

ME LAJUGRUPÉ DUME, VOXEN
JINAFI VARAFI GUZEKARA
VA SIDOPA ZO KOBIBER.

EDE ME VANGRUPÉL,
PUNE TOKTAN ROGIL-
DATAR ? VOXEN TANOA
RA WAN TIR LANAFI...

KLE
TOKA ?

DIMLAPIT, CHARLES ! REDAKIK GIRE
KIEWER, KOYARA FUWAN TIR, MOE
TOTA ANT RIN WARE GRACER AZEN
KOTCOBA TITIR KOTUNAFI.

OVEL, JOHN.
ISEN TA WANA
KE KOYARA BRALDÉ.

DARWIN



ARTI KONAKA SAFTA,
PACIFIKA WELFA,
LERDEAKSAT KE 1835.

RULE, BRITANNIA !
BRITANNIA, RULE THE WAVES :
BRITONS NEVER, NEVE, NEVER
SHALL BE SLAVES.



TAXAT !
TAXAT !

CLAP CLAP CLAP

VA WIN FANIK TAXĀ, GILDESON
VA BAT GUAZAF DANK
RION TIYĪ LION KALAF,
I VA « RULE BRITANNIA ».*



VA RIKULIK GREWĀ.
GOKALIV DA GIREFA
MALLAPIRA VA CIN
TUKALACKAR.

VA ISEN, KOLAPIRA
VA PACIFIKA LANINDE
TIR VAN MINAFA
KIEWAFA ENGLA.

VA ALIUCA
PU LORIK, IS ENGLA,
IS GAZIK !



VA ALIUCA
PU LORIK, IS ENGLA,
IS GAZIK !



LUXE RIN, CHARLES ! KAS GIREFA
LAPIRA NEKEV BIRAROTERA
VA RIN LIEKE TUKALAR ?

NOPE KUNOY ROTOK
IKA PUVEGURA
VA DAKISA STUVA
DJUPROMEJĒ...



IS NOPE KUNOY AR
ENIDE VA RIN KALAF
DI TOLWĪ, ROBERT.

AX, CHARLES, MEKA ARCOBA
LODAM GIREFA DIRGARA
VA MAN DRIGANY
VA JIN TUKALAR.

* BRITANAF GUGAFAMAF DANK EVLON GU 1740.



VA BATCOBA
DIMZILIL !!...



AX, KIEWON...
ACUM MEKA JOTAF
BRASILIKYA MEI
« BARAFA » YIKYA
KE TIERRA DE FUEGOS
VA TAKRA KE DARWIN
AL LAJUBRITSAD...



KIREN... JONTIKOTE AL DOTÁ.
VARAFA PULARA VA BATCOBA,
VA JIN KOTEDJE FU KERELER,
VALEY GERTIKAF FLIURA.

ENWE, CHARLES ! KURERA,
RAVALDARA VA OCTUM...
BATCOBA TIR
TO AN GRABOM
KE KOT SINTAIK, ME ?



OX EN, VA RIN DO JONTIK
RUMEIKAM GESTÁ : VA SIN
DUM DULAPAF APTOLK DACE
CO LAJUVAYAL ! AX, AX, AX !



REDAKIK.
SIDAY ROWIN !



TCAX ! VA IN SU DRASUT.
IKA ROTIS DOTAY, MECOBA
TOVE PHILO WAN VODAR !

SAN CRISTOBAL EWALA,
GALÁPAGOS TURSIA,
15-E KE LERDEAKSAT
KE 1835.

ZULTAFA,
EN ZULTAFA...

AGELTUCAFA FUDA.
FLED KULAF DUM KOE BWAALA
VOX VOLDEN RISTASA WISA
BUDERA.

KIEWAXE KLE, VOLDAAVIK !
VA UM UGAL TA TUKOTRARA
VA JINAF DOTAYEEM
BATKANE DADITI !

ME ILTRAKU DA VA
JINAF TOTA FUGIN
TOLGENIL ! VOXEN...
VA BATYONA IMBOZA
KLE DISUKEL !!...

JIN, KRUPTE DA BAT
EWALATUM TIR MAYAKAF :
VA TUEAFTASA BUDARA
FU KAATOER.

SINA TID
GULAF !





DROLESA.
MOON CO TICUMAT.

OSTIK...

TETCE ROBERT,
VA TELA RINAFI
TRASIL !!

BENJE,
CHARLES...

DEASESA,
WITIL.

RE, TETCE !!
VULTET !!

AX ! VA MEKA FALA DADIL.
TELA JINAFI EN TIR
BULIFIXUK !

AX, AX, AX !

AX, AX, AX !

OYOX ! MANA DIVULACA !
BATA IMBOZA TID GUNDAPAFI
GU TELYONA ROTRASINA
KOE EUROPA VOX
JONSANON LOPWERTAFI.

BRALDE ABDIDA
VA KOTBATA EWALA
ROVESTA.



SANTIAGO EWALA,
GALÁPAGOS TURSIA,
ARTI KONAK VIEL.



VA TOKCOBA
ASKIL, DARWIN
WELTIKYE ?




KAY,
COVINGTON
JOTIKYE !!
DISUKEL !!

IN KOTVIELE
VA MILCOBA
ASKIR !



VA TOKCOBA
SUGDALAL ?

VIELE VA BAT SIDAYAF VROS KO LAVA MIMÁ,
PUNE IN ME TCIZAR NUME LOKALION YATER
LIZ AL ZO NARIR. NEKE TIR KE MILA YASA
DAM BIRAF VROS ISE VA MILAFA SINKA
IS MILE BLIRACAVE SOPAKAR.



DARWIN



KAS MINAF REDUSIK GU TANOYA KOTUNAFÁ KATCA KE KOT DUNOLTUM VA INT ME CO ROKIMAYAR ?

GEVASA, SEYLON... VOXEN JIN VA BATA GEDRUCA ALBACKÁ.

VOXEN ME TIL LORIK, ROBERT.

EFETIRE. VOXEN VEY INAFÁ EWAVA ZO REDUYUT, MEX ? IN VA GEDRUCA APE ALBAR.





ISTE INDIA WELFA RE
TIGIT... RADIMI REM-
LAPIRA VA PACIFIKA
WELFA KENO TAHITI...



... AZ SOKTA KOE NEWZELANDA
AZ AUSTRALIA. BATVIELU VAN
AFRIKA IS BOA ESPERANÇA
EVILMA RE FU GELAPIT...



... ENIDE DI
DIMDENLAPIT.



ZALOR VAS ICLO
ALUBOY OK TEVOY
AKSAT.


VA ENGLA...
WORI BRALDESON
GIRE EN DJUKUWĪ.



VA RINYON DOTAY MOEKOTE
DJUKATRASIL, MEX ? LANĒ
DA KOTCOBA STAKSEYENA
REMI KOYARA DACE
MEA SETIKEL.



BATVIELI ? VA 1526
DUNUYUN SULEM IS 2403
RUXA TON NEVA IS 895
PIST IS GEDRAFA UGOTA.




AX ! AX ! AX !
ZO ATONEL,
WICKHAM ABEGIKYE.
ISEN ROTIR,
TENA MEN TIR !




AL GORĀ DA KOE COCO
EWALEEM FU SOKTAT,
ART SOLUMAMA,
I KOE RINCA
NUVE TIR WAFafa.

NUMEN ZO GRIVUDEL,
ROBERT !! ABICCOBA KE
RINCA ZO ROTABDINARIR
KIREN SIDAY TIR PINAPAF.

COCO EWALEEM,
INDIA WELFA,
01/04/1836.



18 NUGE.*
TO KIMA KE MIDE TIR.





MEROFOLINA ! UTON ICE
LEON TANOY MILLE
SOLUMOLK ABDUE CEDA,
ALUDEV E WARE TIYIR
VAS LOON 7200 NUGE.

SUGDALAL
DA VAMOE TECA
AZEKEXA CO TIGIT ?




GUEY. DUMEDE VAMOE
OTSA KE MEFTAVA
CO TOTAT !

* : TANOYE NUGE TIR VAS 0.3048 METRE. MIDE KE BEAGLE TOTA TIR VAS 3.73 METRE.



VA BATI DRAKI
VIDECKEL !! INAF TAZUK
EN TIR EVODAS, ME
KRUTTEL ?

VA RUYATXA FIRVINA GAN REDAKIK
FU KAZAWAT, FANIK : WICKHAM
RIKULIK VA MORBERA SU WAR.
PHILO VA SALK SOL BATO XO
AL LAJUTRASIR !



ACUM, VA DULAPACA
AL TRASIL ?

VA YON BIRAF PLEK, ANTON.
WARE AZ WARE. VA MEKA
CONYUTA KE TCULKAF PIST
OKU AR.

DIVULAF, TIRE.
WORI MOE KUTCA KE SAVSAF
TCULK TIGICKIT, MEX ?

XUM...
DO JIN AVLAMAL,
DOTRAKUL ?



TOKDUME BATLIZ
DJULAPIYIR,
CHARLES ?

DISUKEL : KARE RINYONA SABERA,
ALUDEV KOE GROCELA TIR
GULAF SOLVE KOE ANODA,
LOVIELE CUGON TIR VAS ABICE
NUGE, ENWE ?



GUE. VAS TEV-SAN-
DECEMOYE NUGE ARTE
TANOY MILLE SOLUMA
KOE GROCELA VOX MON
TOL-SANOYE KOE ANODA.

SID LUXEON TANON TIR KUM
BIRAF UGOTA. ISEN KOTA RINCA
MINON WIYINA EN TIR AZEKAF,
A KONI KESI.



TAGELTAF.
NUMEN ?



ACUM, VA RIETOVA ICDE
TCULKACK TAZUKAYAS VA
RINCA BAL DIVLANKESA
SKAYA MEA FOLİ.
AMIDAPON RE RIETÄ.




VA LANA RIETOVA
DIVESA VA KOTBAT
UUM AL BUNÉ.
DISUKEL !!




LANUGALE, TCULK
BATLIZE AL
TAZUKAWEYER, MALE
LUDEVEK IS KALKAIKE
WELMA KE LAVOK.



BANLIZE DRAK KOE MID
TOZ VONEWER EDJE
MEFTAVA LUXEON
SKALAWER ISE
ZO GIATER.



LOON MEFTAVA ADRE ZO
GIATER, PUNE LOON DRAK
VAN WELMA ATRIR NUME
VA DIVLAUMARAPA REDUR
AZE VA DRAKUVENDAXO
DRUME WELMA TAZUKAR.



AZON MEFTAVA GRIAWIR.
DRAKUVENDA IS KOAK
KE ANODA GU BIRAFU
UGOTA VANSTANA
GAN BIRA IS SULEM
VION ZO TUKOTRAR.




NUMEN RINCA VANBLIR !
BATCOBA VA KOTCOBA DIVER...
IS VA JONTIKA ARCOBA.

EX AE, CHARLES, EVODASA.
RINAFU DIVERA TIRE TIR SAIPAFU.
NEKEN TANOY ZVAK TIR.



VA TOKCOBA
SUGDALAL ?

UGAL. DATAF UGAL
TA RINAFU RIETOVA
CO TIR ADRAFA.
I KLAU SOMEDINA
GAN MINAFU
TAMAFU.



GRUPECKÉ.
NEKEN...

ZO AUNDEPEL !
LARDE BATTODE TO JIN
VA TANA RINAFU RIETOVA
LAJUTUAFRÁ, PUNE
MEKINOKON PUVEGURSÚ.
TETCE PIL, DIMLANIC !!

WANA KOE DIREF OTUK



RAHAN



Rahan is tacedik ke Faltafa arna

Francavafa xantofa wimbura.

Rahan et les fantômes du Mont-Bleu (2015).

Krentasik : Jean-François Lécureux

Zovdasik : André Chéret

Ksevasik : Chantal Chéret

Piskusik : Soleil





Kalkotavaks :

Tacedik ke Faltafa arna

Kalkotavara : Damien Etcheverry (2023)

Zixa 5/6. Teveafa zixa koe 36^e diref otuk.









TOLOYE AYIKYE DUM DJUPRODOALIES SNAVOL VA SINT LENTEGIYID... KOTTOL MOE TIRKA VE ZAVZAGIYIR... TCABANESIK VANLANIYID, SATOLESON VA TICFISA SPUA.





RHODAR
VA LANCOBA
RINON ISKEMA-
YANA PU RANYES
LANISIKEEM
AL NEDI...

... I VA COBA
ZAVZATASA
KAIKIDA RAHAN
VA IZGIKAFO
GAZAXO AL
DENFITIL !



... VOXEN VA
RHODAR VOL
DJUKAZOKEVEL
ENIDE VA STABEEM
GU MEGRUPERA DI
DIVPLEKUT ISE VAN
WARZAF KLA
DI STAT !...

RAHAN GAN
RHODAR KOTRON
MBI DUBIECKÉ !
I VA NUYUCA IS
PILKOMA IS WEDOK
VOXIS DACE BERGAK
KE KRAO ! METODE
RAHAN ISKETÉ DA
RHODAR VA AYAF
BAGALIUCA
CO KOILKAL !



ARTEL VA JIN AL LASUG-
ACAGID ! RAHAN VA LANTEL
MILINDE GRALOMEN...



GLUYEDAYANON
GU EMPOR, OCYE
KE VOLOKUGAL
VA BANTEL...

... ME
KAGRUPEL ?

... XAKES GOSITIK
VOL ROVOYOLTAR !?



AKOA ?

INA VA
JONTIKCOBA GAN
TEYUSUKYE MBI
TAVEPEYER... NUME
DUM NAZBEIK
ALBAYAR !?

VOXE GAN
RAHAN ZO
JOVLEYER,
ZO GRIPOKO-
LEYER...



... KE
KRAO !

VOXEN RAHAN
RE GOVUGDAL
KIRE DUN
BELUNDAYAL...
VA AB-
DUBARA...





?!?




XA TOZ ILTAZUKAYAD,
DZETA YOLKAYAD...
SWAVA IS ALTO KE
OCYE KE KRAO GAN
TUVIASI BLI TOLGE-
NIYIR.

VETA KALION
VANFIYIR...












SIDJEPESON VOXIS LYUMASON
VA KESKA KE AOTCACA
KE RHODAR, RAHAN KO IDJA
KE FALTAFA ARNA AL
GELBEYER...












Kotavaxak dem suterot



Va Honfleur widel dem anyustoya mona remlakid aze va aala kolakid. Konaka taya adre awid ; mona keve kelda tid tcastafa ; orikaf dom adre ilstir azen impadimot ko istak ke wida kadimion artlakir, do abdueon is kadimeon aryon impadimot dere lakis van uja.

Mali toza ke warzafa tanda, Maria gildeteson va mista ko Saint-Henri-de-Taillon ixam baron al lakir, i ko wida dure yoltana gu La Pipe gan vemikeem, dum bak gradilaf ugal ke taneaf boniasik. Batcoba mu ina belcon tir lorbaca is riwe antafa rotisa deasera, batdume gadikye nobon lasukaxaar, trakuson da rifa disukera va atay is kakevera va konak grupenik sokes koe wida va botcera va gabentuca co tudrikad.

Retomon, moi tena ke mista, sin ko gertaxe lanid lodame va nikafa mona co auzud. Ine ixam tir kotrafe gu adlutaxoik male yon sumef vesk, kiren canadaf gertik sotir gadesik va gloga ke folisik is dere pirdasik va kotcoba, i cotcesik va kot motc, nume ae tir antaf korik amidaf gu sin num rovidun debalon gu nuera.

Gertik ke Saint-Henri va kot rupesik keldaskir, pu konak kan abica kaliafa ewa nekev jadifa prilara soe

daavon pakena ; pu aryon kan abrotcifa pirdara koe birga ke vegungafa olkoba. Ba siluk ke Chapdelaine yasa, va bartivela disuker.

— Taneon fu miafizestut, ex ? ~ ixakon kalir. ~ Kelda va sin tce molesiyir, isen luxe jin, mista tire gilaelesir.

Kipegapar, loeke relanden gan intafa krander, aze ko estuxo va vedgobenikeem abduelanir. Ar gertik banlize tigr, male vegungafo adlutaxo, is toloy ok baroy tawadayik ; estura anton tir voltrelafa tawamidurafa prilara waljoana gu konaka buskafa rupa is merovafa areddjara ; dile tan tawadayik va milo xo jiligar nume va kona lorbafa undera kalir, i va undera emudena kan tcilafa takenkalira gan toloy gertik is konake ewarafe « Gue ! Gue ! ».

Artipon estura zo tenger ; moi turunkara va plo konak ganenik mallanid. Gertik va disukera ke Chapdelaine gadikye gralomber nume va koncoba nusetiker ; ranyar aze va Maria sugdadar.

— *Batlic* vanlanil, *riny* !! ~ kalir.

Abduelanir, ko vegungafa olkoba zanudasa va auzaxo is dere bazaxo.

Tareskomo keve rebava tigr ; keve volsafa rebava azega buresa va konaka midurafa virda is mwak is konaka nevafa kagluyaxa kum ebeltaf lelt ; bene rebava delt va Pius X papik, is gretcaks volas va Tumtaya Yasa, is ksefaf ewavak dem impadimot is glefasiko ke iasik ke Québec, is konaka winugafa finta dem juikera icde aalfird ok bonolafa konakakola.

— Kle, nuve medume dwil, mex ? ~ gertik omapudason kalir, rwodeson van Maria.

Ina dulkon disuker, lewe folison da in nope kaiktuwavafi gertafi roti va inafa nigera mewalzeyenon al diepiler. Va lumiskafe rane blagamar ise va mazdafa tawadayikafa vola van ina xowar ; kire kake trendig en tir ayik vey tawa : dem blafotafa mazdapafa xatcaxa, is rodaxas iteem, is mantaf niskakoraf epiteem. Dace inaf nubeem gixoles va galovafa ixera tir midusikaf nubeem dem adeenafa litca kake alma ke adlutaxo, i nubeem ke staksenik ke Lorik ta pebura va bli pu ina is nedira va kelda.

— *Banlic* debanyal !! ~ kalir, nedison va rova.

Ina dum laninde codana bemikya debanyar, i dum laninde ayikya rupesa va diolik koe nusi, aze dirnuson is kovudanon ker vieli kaiktuwavafa diwedanya di sopud.

Arti tanoy bartiv, impadimot moe olgafa nolda vultur. Chapdelaine gadikye toz liuger numen dirkey kou fenkuyun nubeem adre buber.

Ware ine va int botcer, takamadar aze kan pofa puda va dankot bokayan ba divlakira va wida ginur :

... *Va in koe kelt sontet,
Moe muxelk sontet... !!*

Aze stivawer, inafa itowa van ast adre tuomawer azen noliera ke kirmeem ke sorka wetce lor anton wan tir.

Maria va eweem ke gertik under.

— Ede nuca wal win kruldeyer, pune rinafa nigera sye tir nivaca. Voxen me tiyic aguntanik, larde va mecoba pu gadikeem al pulviyil, isen in dere ; battode mana rinafa daborera isu roera, golde yikye tiyise mecoba mu rin sopron, tir rotaca, tir mekatira...

Is dere :



— Va yona mista mu in volmiv kalil, batcoba tir kiewaca, loeke me rotaskil. Va baroya mistapa do dank is baroya ara viele berikye dim aala tigitid, inde gadikye pu jin al kalir, tire mancoba va in dramgutur isen rotrakul da in va bancoba lodam arubara albatar, larde inaf vugdarugal sotreon zo irutatar. Voxen freiskafa nigera is nedira va vola tuburdasa va monikeem tid mepestoraca, isen Lorikany va mancoba me albar.

— Anton tit rumeik.

Kalison va batcoba, in me nuvelar vinusik ok pirdasik flides va deolaf lazaveem ke takra, vox kre mwopik vedon slemas va belikaf is lanaf tazukoy oku selaropik.

— Yikya dum rin, plinafa gu wira, galafa is ostik laspedafa is exomakobasafa, i mantan va guazaf gadikeem gobristur, aze gokurer ise va kristevafa yasa di redur. Rinafa erava me tir koalkara ? Me ae. Batdume fure ten dwil, kiren mancoba sotir tirbafa is mekatisa dwira, larde bate yikye tiyir mecoba mu rin. Isen Lorikany gruper dacoba tir kiewafa mu min ; vol exut ise vol temet... !!

Vanmiau bata kotcoba, tanoy blayak va Maria al gumefolidjamar : ravalgara ke gertik ruyes da François Paradis koe inafu tigixo va mista ta tildera ke intafa gloga anton trumar, vols va krenugafa is faretcafa batcera kadimeon iskeyena. Ina va to batcoba me lajufolir. Melajupenvason da in co tir amidaf koe re awalk dam koe dare bli, volson trakur da in ape tir kalaf is muntaf gu bata batcerapa dakimisa kaiki awalk va tumefavlaweyesa rena. Adim, larde gertik al kalir...

Kelda va orikaf aal ranyes koe nolda abzar ; werpol kovudan gan kalifa remlakira ke impadimot is lorara ke nolies kirmeem va ulim ke kurba benwelvud aze kotcagison va almuk ticumad. Cuynaf fent va lukoptaf kelt mo bataf sid titstir isen suka va alma anteyar, kiren toleaksat tir numen batcoba koe Québec vo sugdalar da toloy varaf aksat dem fent ware di dud.

Edje Charles-Eugène okol moe tuolgaweyesa kelda sorer, dimstason va toloy koyasik van antifa mona, pune setikeson va gransera ke gertik ke Saint-Henri, Maria va kota welidayana batcera is nigera div takra aloyar, kotron lion dam mancoba tir ke inafi roti is opelon lion dam ina va zoera ke stutes sielcek ok kona lorbafa jora ik konara tegira nutisa volteldafa ik zukena co ogoler.

Sin ba mielara denon artlakid. Siel anton al tir viafa afikrezera ; kiren kelt mali gazda dun tiyir lukoptaf numen awalt me zo rowiyir. Gabentuca tir rusagafa moe gebiaf sid ; pailta is djoka me nutid blis aal, isen toiskafa cirdata va imwugal nuvilpokoled. Maria va impadimot bupeson volrundanyar ise va iedara is teskera ke Vakol is iegara ke rumeik rozas male pikay ewaron disukemer. Tamava manon nutir vlardafa, icle resielon. Ina va rena mea dir ise va batcera mbi zuker. Va mona kaliapon is meanamdisukeson kolanir, satoleson va warzafa pestaka kum abica vuda isu bogara va letaf tawaday is orikafa aala is fent is nolda is kotbata coba lize dun blir ise ganon zo bakayar.



XII

Lanvielon bak toza ke bareaksat, Tit'Bé va warzot male Honfleur vanstar, i va warzot da sielurapa ganesa va kot sin dene Ephrem Surprenant resielon dilizeter.

Kontel gozavzagitir ise va mona sutur, isen larde Chapdelaine gadikya bazer da radimi yon daref kobudes aksatap, va bata koyara deasetemeson djumaskir, pune Tit'Bé di zavzagir. Honfleur, i tela wida lopokefa gu sinafa mona, arte anyustoye *mile* tigrir ; voxen anyustoye *mile* kan impadimot moe nolda koo aala tid abice ede va puvegura va gildera va danka is rupa is flidera gu artan sumu xo torigit.

Jontiktel is konaktan dene Ephrem Surprenant iexam tigid : taneon konak irubasik ke wida, is toleon baroy francik lusteyes va taway ke Lorenzo nutik, is dere miv Lorenzo ton batcoba evodapasa va Chapdelaine yasa, i Lorenzo dim gire Tanarasokeem ta kona arienta kapburedasa vas bata dolera is konolera va gadikye. Va Maria bitavupuson emuder aze pokon debanyar.

Ayikye va plo turunkad ; kottan va saz is keldasok is warzot ke utca flider ; voxen prilara prelkawer isen kottan nuker. Itaskarara vane Lorenzo is baroy francik tid, dumedesoye sinafa milugalafa tigira va ribiegafa nega ik pimtara va sumefa coyunta dem divulgafa lida co di bimilesir. Bat francik tigris mali oxam baroy aksat koe patecta, va oltavafa rilituca ape pestaled kire terektackad voxe pulvinsid.

Samuel Chapdelaine taneatomon kakevese va sin, rovekoerur, rape ixakafa canadafa orpa.

— Kle, ta tawamidura *batlice* tigic. Tokinde va Canada albac ?

— Ina tir patectanya, warzafa is glupafa... Jontika nefta remi idulugal tid isen fentugal tir portaf ; voxen kottan treon giltaver, tce.

To gadikye dulzer, isen toloye nazbeye itomason takenkalid. Sinafa kerdela gu tuamidara va sin gu kotar widik co staper ; voxen vielu pulvir, pune kela loon nutumantawer isen ewa div inaf art

dum ewa ke kona divefa ava mamad. Inafa pulvinda me tir viafa gu canadik, isen inafa tiyarinda me tir tela ke Québec vo merotentuna kir metisa vey kona francafa winka vox anton tisa lana tawadayafa tiyarinda, i tiyarinda vey dojera ke konak avom ke lekef kolamasikeem isu pulvirinda. Francik va muxara somegildena koe Canada is dace widava isu askura yonote yazgad, i va lancoba nutisa wifrafa nek solwikafa tove opelik batlize katanayan.

— Kas koe winafo vo, abdida batlice tigic, dere tiyic midusik ?

— Volgue.

— Kle tokinde ebuyuc ?

Francik klabumur abdida dulzer, rotir vofason da kalitina coba co tir divulafa is wavdafa gu gildara.

— Jin, tiyí dolantisik, ~ tere kalir, ~ dolantisik va klawa ; isen bate toloye nazbeye ke jin tiyid unenik, Edmond koe bazaxo is Pierre koe dolexe.

Unenik, i papeketik, batcoba tir namaca ta kottan ; voxen eba ke gadikye wan tir tapedamafa koe swava ke terektasikeem.

Ephrem Surprenant tolkalir : « Dolantisik va klawa ; to tiyir, to en tiyir ! » Aze va Conrad Néron vegungik disuker, ton vamoafa is budasa tiva nusugdalasa : « Va jin me djufoliyil oke me grupel dacoba tir ; voxe wil... »

— Dolantisik va klawa, ~ Samuel Chapdelaine silukon tolkalir, vion naruson va sugdala ke trogarn. ~ Voxen kas batcoba tir exavanya ? Kas va kubanya wayal ? Va kubansa, ex !... Neken va gruperapa nudic, riny is nazbeye ; grubelic ise grusutec, ise grupatac, ex ? Voxen *jiny* dace me grubelí.

Meien jiny ! ~ Ephrem Surprenant wiluon loplekur.

Conrad Néron is Égide Racicot tamon kroasid :

— Meien *jiny* !

— Meien *jiny* !

Numen kottan toz kiper.

Francik driamon nubumar, bazeson da sin vaon rofofianded isen int co zanienser, re.

— Kle va intafa eba me rovo-blidackac, *banlice*. En... Kle batdume *batlic* al lapic ?

Chapdelaine gadikye va batcoba medjukantason is opelapon erur, destason da sin va manyon ol nutis plinapaf is drikapaf ta olgafa kobara moe taway al jovled.

Tokdume al kolamad ?... Weti konak aksat, kanespon co ropebuyud, kan yon blayak bimiles

kou takra : beomara va twern is lume ik copaf gael ke widava ; epura va teniskaf siak vas grinuyana blira ; kontesa dewitca deolon gildeyena ke kon laxasik mearpumason tujdes va evangil ke fa is taneask, is va galafa is nuyafa blira moe kon tunazbukan sid. Va kota batcoba lacon co grukaliyid, weti konak aksat.

Re va nermafa dilpera anton rolorded ise va tela intafa bidga ware dikina rotaneyad.

— Koe widava dile kalanson blit, ~ gadikye kalir. ~ Kotcoba tir tcazafa, budenon blit.

Bancoba nutiyir ribiegapafa, koe sinafa vredama koe Paris, i bata rieta tisa da va cug afizcek koe Canada diveon co tiskitid, koe karaf gael ke warzafa patecta, poke datafa aala. Va ebeltaf valpok me abdiwiyyid ise va po ke diref fent ke fentugal gildansayad ise va kunoya olgaca ke durulaxo me uculeyed.

— Kas va *batlice* blira isu coyunta guzekayac ?... ~ Samuel Chapdelaine dakison erur.

— Dikeke, ~ francikye omapudason dulzer. ~ Dikeke...

Koncoba va inafa gexata kevofir numen Ephrem Surprenant kalir :

— Ax ! *Batlice* olgafa ; olgapafa !

Ban sin baroy takenkalid ise takomad : i baroye ayikye dem mazdaf epiteem, ware zwafe nekev tevoy aksat tiskiyin koe mila coyunta, i ayikye solimpayane gan korcaca gu bexa ok baza ok klawakaspas, is gu antafa blira rodetisa mu int. Kiren tawadayik vox dere to amidaf ebusik zo rosoltawad. Sin baroy va roklara toz gildayad, ise da tid amidarsaf nume va anameon canadik me grumilaskid kire va milo po is tuolgayana galuca is adrafa figuca is draluca ta kot ol me did : tawamidusik ik intagabesik ik rentasik kare cadim is gemelt.

Gadikye takablagar, modovasafe ; tane nazbeye, ton ladaveem moe bade, va jesok keve texa ke rabetaf nubeem vey olgafa kobara koe taya gevamanon nyaser. Sin baroy va kexaf laot ke lana tinera koe swava nutaced aze kataced. Anameon kottan trakur : « Lorenzo va kiewega pu sin lodroe dam umdroe al doler ; va jontika erba mea digid nume tid ikseyen ; kire man korik sometid ta blira moe taway. »

Chapdelaine gadikya va sin djubristur, saamason is poramason va midura.

— Tore vieli gilitit, efe coba tir olgafa, ~ kalir, ~ voxen witic da viele taway titir desackayan, pune dikitic va bliranya.

Maria Chapdelaine, ke Louis Hémon (10^{-eafa} zixa ; wana tigisa koe yon daref otuk)

Maria Chapdelaine : berpot (1914) ke Louis Hémon francaf suterotik
Xanto : Maria Chapdelaine francavon, kalkotavayano gan Staren Fetcey, 2018.
Dotay : Kotavaxak dem Suterot.

Robelin banliz : <https://www.calameo.com/books/007735347a70b2f8fd0f4>



TIORNAM DEM KONOTE

☀ **Fegaltes tiornam dem botafe is luvakafe konote, tis pluktaca ta legujeem. ♥**



VWA

Fakapafa

EGARA

20
wexa

BURMERA

15
wexa

TILDERA

60
wexa

TADLE

Sotre balemoy korik :

- Bixekoraf zom vas 1 akinta
- Konote vas 200 g-
- Gopakorafa bota vas 50 g-
- 1 ato
- Regelta vas 1 foriacekap
- Batakafa centeda vas 10 cl-
- Vobekratela vas 2 foriacekap
- Vrod vas 15 cl-

FOMEK

1. Va zomafa vayna egal : koe keresta, va bota is ato kan usta aotcel. Va regelta lopekul.

2. Va vrod koe milka tuidulal aze va lembiewes vrod ko keresta gimal. Aotcel aze va kotak ko milka dimplekul aze mo tey rundal inde aotceks di tuvawer. Guzakodal aze va vobekratela lopekul.

3. Va bixekoraf zom koe tiornak stokel. Tori 15 wexa vas 6 DY- (180 °) kocadel.

4. Va ludev ke tiorn gu zomafa vayna stornal aze gu konote besal. Tod malsavera va tapesiyine konote, abdion gritapesil.

5. Gu botaregelta goal aze kali zanolera fedon rundal.



TIORN DEM PRUVE IS KONOTE

☀ **Sutkaf tiorn pendas
va pibuca ke pruve
is luvakuca ke konote. ♥**

VWA
Fakapafa

EGARA

30
wexa

BURMERA

35
wexa

TADLE

Sotre tevoy korik :

- Mitkoraf zom vas 2 akinta
- 9 listafe pruve
- Iewafe ok tapesiyine konote vas 200 g-
- Bota vas 100 g-
- Kratela ke 1 vobe
- 1 atobatakaxa

FOMEK

1. Ede va tapesiyine konote favel, pune koe colubak gritapesil. Basalmal aze basdorgal aze ton lip walgabel.

2. Va pruve ko colubak kalgimal aze va vobekratela is bota lopekul. Va kotcoba aotcel.

3. Va mitkoraf zom vas tanoya akinta koe tiornak stokel. Va zom remi 10 wexa vas 6 DY- (180 °) batakon burmel. Aze va cek ke colubak mo ludev ke tiorn kalgimal.

4. Gu zom ke toloya akinta besal. Va kadomeem delackal. Aze va fe iste zom tazukal aze gu atoxa borilel.

5. Va tiorn tori 35 wexa vas 7 DY- (210 °) kocadel.

TELIZ

2^e bu : Drasuyun redakik (1/2).
26^e bu : Krafolma ke Ellasa.
30^e bu : Darwin (5/6).
44^e bu : Rahan, Tacedik ke faltafa arna (5/6).
56^e bu : Maria Chapdelaine,
berpot (10/12).
62^e bu : 2 fomek.
64^e bu : Kuda ke Aisopos.

Kotavusa virda

Virda kotavon sanelayana, nuyon is faston romalvajana is rorubiana is rotanamzilina. Ickriluyun rokeem. PAG / PVM / DE.
Internetxo : www.europalingua.eu/KotavusaVirda
Bu : www.europalingua.eu/KotavusaVirda/35-e_otuk_09-2025
Sanegara : Lerdeaksat ke 2025. 35^e otuk.

Yunkexa is ewava : ewaveem abugaf gu roka ok nuyon rotamuzen ok rictayan gan digisik.

LIWOMBURA

Tula va olkoy ke lan liwatum watson gu alto.
Konaka gokosmana peryasafa liwomba.
Xantaza : <https://kotava1837481.wordpress.com/2018/08/26/7-familles-en-kotava/>

3

Loma
AROTIEVIK



Louis Lingg
(1864-1887)

Louis Lingg tir germanaf arotievik. Vey wawafa yasa, tir intanyofasik koe vo aze ko Amerika divlamar.



Ba 04/05/1886, bak yastap is exaksara ta kretura va vielcek dem 8 bartiv moe **Haymarket Square** viga koe Chicago, pistolera ke ardial is tilikafa ervolita va stakera is jontik xonukesik nekid. Anyustoy arotievaf exaksasik zo soped aze volmiltekon zo malyed. Gu xonuka di zo lanzad. Louis Lingg koe flint di kser.

Gracchus Babeuf - Louise Michel - Louis Lingg -
Nestor Maxno - Sacco is Vanzetti - Buenaventura Durruti

Okol is jaftol is vakol is ayik

Viele Zeus va ayik reduyur, va krulderama anton doziliyir. Voxen ayik, malfaveson va gruuca, va mona miv vegeduyur aze koeon sokeyer. Okie, lanvielon, fent al tutizaweyer isen muva toz duyur ; okol mezavzagis va ayik vanvulteyer aze eruyur da di zo bravayar. Voxen ayik dakteyer da anton kredeon di askiyir : okol va konaka intafa titisa tanda co di goziliyir. Okol balte kserayar. Vanion, jaftol va int dere atoeyer : jaftol va sazaj dere me tabiyir. Ayik milinde dulzeyer da me co di kazawayar vaxede va konaka inafa tanda mbi co di ziliyir ; jaftol va pak ziliyir nume zo dosteyer. Tere, vakol fentawalkes dere artlaniyir, nume xaadason va pak ke intaf titis ugal, va brava seotayar. To daneks : viele ayik va ugal doziliyin gan Zeus kotaskir, pune sotir karaf is vonaf ; viele va Okol ilanacek artfir : sotir aliaf is calgaf ; viele va Jaftol ilanacek kofir : sodjukudirgar ; viele arti blira, bak Vakol ilanacek, sovanpir zidesik is buusik.

[Bata kuda gu zidaf is wareskaf guazik co zo rewar.](#)

Kuda ke Aisopos, -VI^{eafa} decemda (kalkotavaks gan Yurani Andergan)